

ployer le tout, nous vous rescrivons tous les ans par des hommes dignes de foy, comment le tout se passera & ne croyez pas que ceste charge vous soit à peine pour ce que nous trouuerons assez de gens de bien, qui feront tout ce que vous leur commanderez, pour nous seulement nous serions trop-heureux si un homme de merite comme vous prenoit la qualité de chef de l'entreprise de Canada, & croyons qu'à vostre exemple plusieurs se rangeroient de nostre part, & ferions des merueilles deuant six ans.

|| L'année prochaine le R. P. Georges retournera 64 en France pour nos affaires, vous cognoistrez quel homme c'est, ce qu'il peut, & l'esperance que nous auons de faire choses grandes, si dès ceste année vous nous voulez ayder, & de ioindre vos pieuses volontez avec les nostres vous vous adresserés à Monsieur Houel, lequel ledit sieur Guers vous fera voir, nous restons trois Religieux Prestres en la Nouvelle France, avec le F. Oblat que vous auez veu, resolu de ne iamais abandonner ledit pais, ains d'y faire ce que nous pourrons pour le seruice de Dieu, du Roy & du bien public, ce qui nous releue le cœur est le bon commencement que nous voyons, & l'apparence belle de faire de grands fruidts, si le tout ne reüssit pour n'estre secondez nous ne laisserons pas d'auoir gloire deuant Dieu, & deuant les hommes, ie souhaitte avec passion que vous soiez le premier participant de ce bien.

Nottez sil vous plaist Monsieur, qu'il y a treize ans que l'habitation subsiste sans que iamais aucuns estrangers & moins encore les Sauuages qui nous de-